

فکر الیسی

«تخلیص وطن»

«اعلاى دين»

۱۵ شباط افرنكى ۱۸۹۷ سنه ۱

شورای امت

نومرو ۱۳۹ رمضان المبارک ۱۳۱۴

آدره سمن:

آبونه بدلی: هریرایچون سنه لکی برانکلیز لیرا سیدر. بازار ایرتسی کونلری شراولتور

قانون اساسی - صندوق البوسته نمرة ۳۳۰
مصر القاهرة CANOUN - I - ESSASSI
BOITE SPÉCIALE
N. 330
CAIRE, (Egypte).

نه ممکن ظلم ایله بیدار ایله احضای حربت
چالیش ادراکی قالدیر مقتدر سهک آدمیتدن
کال

داخلده بولنان ارباب غیرت و حیه نشرو تعمیمی تعهدایتدی
حاله بجاناده کوندریلور.

وسائط مخصوصه ایله ایسته یئرلر ایجاب ایده جک فضلہ

نسخه سی ۲ غروشدر

اجری کوندرملیردیر

افکار عمومی ملیه یی تنویر ایله وطن مقدسملک تخلیصی شریعت و حیت نامنه طلب ایدن جریده مزک تعمیمی هر مسلم و عثمانی ایچون برفیضه در

قوتی تسویه ایدیلان زمین اوزرنده نمرة
دار ایلمک لازمدر.

خدمتک بوبرنجی قسمنده ملت منی تشکیل
ایلیان صنوفک غیرت و همت نسییه لری آرسته
عمومی مأیوس دکلسه ده دلخون ایلیان بر تضاد
غریب کورلش ایدی: اوده (کوچک کرک)
هر مشکلاتی اقیخام ایده جک قدر جرائمدرانه
فدا کارلغنه مقابل (بیوکلریمزک) توصیفدن
تأذب اولنه جق قدر بر غیرت و حیت دوشکو
نلکی کوسترملریدی.

مع مافیہ بونقصانی بیوکلرک حرکاتنده
«حکمت» آریان اکثریت ایکی طرفی ده صیقوب
اوتاندریمه جق صورتده تأویل جهت کیتش
اولدیفندن حس اولنیه جق قدر جزوی ضررله
دقتراعمال قاتیلہ بلمشدر. لکن خدمتک هنوز
انکشاف ایدن ایکنجی صفحه سنده ده بوجبری
توازنک محافظه سنه امکان یوقدر. هر کسک
الجات و قوعواتله حکم قطعی کسمی زمانی
کیشدر: زیرا کوچک کرک هر مشکلاته رغماً
احضار ایتدکبری بوقوت بیوکلرک همتله حسن
استعمال اولتقی لازمدر.

اولدینی موقع مهمی احراز ایده میان احوال
سیاسیه حاضره همان ملاتک هر صنوفه قارشی
قیمت حقیقه سیله انکشاف ایدرک عمومده
بقامزک موقوف علیهی اولان بر غیرت وظیفه
شناسانه اویندیرمشدر. که حال و مستقبل
اعتباریله بونک نه قدر مهم برفوقیت اولدینی
معلومدر.

دیگر جهتدن ده یک قیمتدار اولان بوقوت
داخلیه یه مقابل خارجاً ده بر خدمت عظیمه
کورولمشدر. که اوده لیاقت و نجات فطریه
نک حقیقه تمثالی اوله ییلان ملت مزه اداره حاضره
نک سیثاتی و ذات حضرتک (قصیدی) اسناداتی
ایله سور و ملک استیلان لکه لک دفعی ومسؤل
مطلقک انظار عالمده تشهیریدر.

ایکی جهتله اولان بو خدمتک برنجیسی
باشمزه برکابوس بلاکسیلان اداره حاضره یی
کوکندن کسوب آتمه استعداد کوستر دیک
کبی ایکنجیسی ده بوداخلی قوت ناجیه نک حقیقه
ثمره دار اولماسنه مساعد زمین حاضر لامشدر.
بناء علیه احوال اخیره نک جریانجه بر
ایکنجی صفحه یه یکیمشدر: یعنی اده ایدیلان

رجا

پروغرائمزک اقسام مهمه سندن بریسیده تشهیردر.
بناءً علیه بو مقصد خیره خدمت ایتک اوزره کرک
استانبولده و کرکسه ولایتده بولنان عموم حجتی
عنایلدن آئیده کی مواد حقته بیلدکری معلوماتی
غایت دوغری: بی غرضانه اوله رق اشعار ایتمه لرینی
رجا ایدرز:

۱ - منافع ذاتیه سنه خدمت ایچون ارتکاب و انواع
دنائی اجرا ایدنلرک

۲ - اکابر امتک بحو یچون ماضی و باحاله بیلدیز
جانیانه آت اولانلرک

۳ - دوائر ملکیه و عسکریه ایله اردولرده مکاتبده
خفیه لک ایدن آتقارک افعال سیلر لری و تراجم احوالی.

نه حالده نر؟

وطن منی دمدم بروادی اقراضه سور
و کله مکده اولان اداره حاضره علیهنده ملتی
اتباهه علاقه دارانی وظیفه یه دعوت املیه
برسنه دنبرو یوکسلن حیتکارانه صدالک
فداکارانه اقداملرک عالم سیاسیده حصوله
کتیردیک نتایج خیره یی تقدیر ایتیه جک بر عقل
سلیم صاحبی تصور اولنه ماز. بر طرفدن یک
یقین زمانلره قدر طبقات عالییه ده بیله حاز

بناءً عليه غائب اولئان هر بر دقیقه ده وطنم
سرعت مدهشه ايله رهين نحو واقراض اولمقده
اولديندن صفحه اولاده « دولتو » آغز لردن
بر کله چيقاره ميه جق قدر ولي نعمتاری ملته
قارشی بر غریب حسست حمیت کوسترنلرک
بو ایکنجی قسمده جدا وظیفه غیرت و ناموسی
عهده دار اوله رق فداکارانه ایشه کیریشملرینی
و بوضورتله هم برنجی قصورلرینی ستر ایدوب
هم ده حقیقه بولندقلری موقعه لیاقتلرینی اثبات
ایلماری لازمدر . عکس حالده بزی ، دوشه
جکاری حسیض مسکتی شمیدین تصویر
ایتدیرمک مجبوریتده براقش اوله جقلارد .
سوزیمزک بوقسمنه ختام ویرمک اوزره
شونی ده علاوه ایتک لازمدر ، که هدفی پک
کوزل ادرلک ایده بيله جک اولان محاطلریمزه
قارشی بودعوتمز عرض اقتدار اولمویوب خیر
خواهانه بز اخطار در . یوقسه غیرتوران امت
اونلرک بوصوک دقیقه ده ده کوستره جکاری
تقصانی مروته رغماً تخلص وطن ایچون
هر فداکارلنی ایشاره حاضر در .

برده بعض چهلرده یوکسلان فریادلره
قارشی « نه یاپه بلیرز » طرزنده غرابت آمیز
استفهاملر حاصل اولدینی خبر آئتمقده در . حسب
الایجاب بوجهی ده جوابسز براقق ایسته میز :
بزجه هرکسک یاپه بيله جکی شیرلی
هرکسک بولندینی موقعه کوره تطبیق ایتک
ضروریدر که او حالده بر قاج نقطه نظر دن بیان
ملاحظه لازمدر : اولاً : بالاده سوبلایکمز
وجهله اداره مخربه حاضره یه قارشی میدان
مجاهده یه آتیلان برفرقه وارد که حقیقه شرائط
حاضره داخلده ممکناتی یاتمقن چکیمنه مش
اولدینی کبی الجات احواله کوره هر تشبیه
حاضر بولندیغنی ده اعلان ایلمشدر .

ایکنجی « یوکلر » قسمی وارد : که
شمدی یه قدر کوستردکلری کوچکک ايله ملتده
بر حس حیرت و اضطراب اویندیرمش اولملریله
برابر مستقابه بوقصوری تضمین ایلماری قویاً
ملحوظدر . بونک ایچون ده نه یاپملری لازم
کله جکینی سوبلایک .

بونلردن بشته هرکسک ده مستقلاً ایضایده
بيله جکی خدمات وارد : که از جمله آره مزه
عدم امنیت و نفاق صاحقرق بر آن اول حصول
اتحاد مزه مانع اولان خفیه ارازلنک ، یلیدیز
اقاربنک تمیزلنسی بومیانده در . بونلر ملتک
ابون قاتلی (اولاد نامشروعی) بونلری
حسیله دنائتلرینک جزاسی نه قدر شدید انتخاب
اولنسه کنه آذر در . ظن ایدرسه ک بیاناتمز
هر درلو استفسارلری اسکات ایده جک قدر
شمولایدر .

مصطفی فاضل پاشا

نام معالی اسمانی سرنامه مقال اتخاذ
ایلدکن ابوالاحرار مصطفی فاضل پاشا مرحومک
ترجمه احوالندن بحث ایده جک دکلز . بوظیفه
قدر شناسی ایروجه ایضایدیه جک . انجی شو
بر قاج سطر دن صوکره اوقویه جقمز بر لایحه
وارد که بوندن اوتوزسنه اول یازمش و اوزمان
سلطان عبدالعزیزه ویرلش ایدی .

هیات : بو آوازه حمیتی بوندای صفوت
وحقیقتی ایشیده جک بولندی . وطنک حال
پرملانه انصاف ایدن اولدی . نهایت باشمزه
کلیان بالار قالدی . هپ بونلر پادشاهلرک
طوغریلغه کوسکونلکندن نشأت ایتدی . هله
عبدالحمد تونک دیکدی . بر هیئت اجتماعیه نک
نحو واقراضی ایچون هر نه تدبیر اتخاذی لازم
ایسه جمله سنی اجرادن کیری طورمدی . ملتک
بکرمصمت وعفتی نحو ایتدی . تدرس علم

ومعرفت و فضیلت ایچون مکتب صره لرنده
اوطورن اولادامته وارنجیه قدر جاسوسلق
تعلیم ایتدیردی الی عصر دنبری قدر داش کبی
یشامش اولان عناصر بیسته زهر نفاق و فساد
القائیدی . وطنی بر قضاخانه یه ، قسوتسرای
بومه دوندیردی .

فقط اوتوزسنه اقدام — افکار عمومیه
اولیان بر زمانده — زرع اولئان تخم حریت
بوکون نه کوزل نه امنیت بخشاشمزه لوبریور .
وطن بوسایه ده رونقلی ، ششمه لی بر استقباله
طوغری تمایل ایدوب کیدیور .

مدرسه انبأه و عبرت اولان ظلم و قهر
بیوندر وقلری آلتند . اداره جبارانه نک زمام
خوزریانه سندده ایلان ایکله ین غنائیلر مسلاک
ومتانت صاحبی اوله رق یتشدیلر . باقکز .
نصل سلطان حمیده میدان اوقیورلر . پنجه
لشیورلر . ایشسته . شبهه اولنسون که بونجه
موفقیات اوتوزسنه لک بر تربیه فکریه سایه
سندده حصول پزیر اولمشدر . مصطفی فاضل
پاشانک همماق آتاریدر .

دنیاده هیچ بر فعل یوقدر که ضایع اوله
یلسون . بناء علیه بوکونکی عزم و اقدامک نتیجه
سز قالسی ده قوانین طبیعیه نک خارجنده در .
یالکز بزی جدا دوشوندیرن بر مسئله وارد .
اوده دور حمیدینک بوصوک کونلرنده رجال
بولناماسی قضیه سیدر . رجال دینه بيله جک
بر قاج اعظم وارسه ده هیتلرینه کوشمش
طاقندن اولدقلرندن بونلر « لاینف » درلر .
استقبال آدمی دککلدرلر . کندیلرنده اومزیت .
اوفداکارلق . اوقان یوق . هله بوصوک ایکی
سنه ظرفنده ابوالاحرار مشار الیه چاپنده
بر ، همد بر تنک رجالمز اولسیدی شمدی غزیه
مز مجلس مشورتمز . مبعوثانمز مذاکراتی تنقید
ایلیه جیکدی . نه چاره . کیچ اولسونده کوچ
اولماسون دیهلم .